

Bitter chalt und en klari Nacht

Bitter chalt und en klari Nacht,
und Schterne über d'Chinde wacht.
Da chund de Samichlaus deher,
mit em Eseli, de Sack isch grüsli schwer.
Er gat die brave Chind go bsuäche,
bringt Oepfel, Nüss und au Lebchuäche.
Da poldered es plötzlich a de Türe,
chind chömed ängschtlich hinder em Mami füre.
De Samichlaus weis vu jedem Chind es Gschichtli,
dän säged sie uf Ihres Samichlausgedichtli.
I de Stubemitti duet Er de Sack den chehre,
und so die liebe Chind demit beschehre.
De Samichlaus mues ga es isch Zyt,
het er zum laufe gar no wit.